

# ШАМШЫРАҚ



@ MAI\_SHAMSHYRAQ @ SHAMMAI@MAIL.RU

МАЙ АУДАНДЫҚ ГАЗЕТИ

## ҚАЗАҚСТАН РЕСПУБЛИКАСЫ ҚҰРЫЛТАЙЫНЫҢ САЙЛАУЫН ТАҒАЙЫНДАУ ТУРАЛЫ

Қазақстан Республикасы Конституциясының 46-бабының 3) тармақшасына және 95-бабының 1-тармағына сәйкес **ҚАУЛЫ ЕТЕМІН:**

1. Қазақстан Республикасы Құрылтайының депутаттарын сайлау 2026 жылғы 23 тамызға тағайындалсын.

2. Қазақстан Республикасының Орталық сайлау комиссиясы Қазақстан Республикасы Құрылтайының депутаттарын сайлауға дайындықты және оны өткізуді ұйымдастырсын.

3. Қазақстан Республикасының Үкіметі, астананың, облыстардың, республикалық маңызы бар қалалардың әкімдері Қазақстан Республикасы Құрылтайының депутаттарын сайлауды ұйымдастырушылық, материалдық-техникалық және қаржылық қамтамасыз ету жөніндегі барлық қажетті шараларды кідіріссіз қабылдасын.

4. Осы Жарлық жарияланған күнінен бастап қолданысқа енгізіледі.



В соответствии с подпунктом 3) статьи 46 и пунктом 1 статьи 95 Конституции Республики Казахстан **ПОСТАНОВЛЯЮ:**

1. Назначить выборы депутатов Курултая Республики Казахстан на 23 августа 2026 года.

2. Центральной избирательной комиссии Республики Казахстан организовать подготовку и проведение выборов депутатов Курултая Республики Казахстан.

3. Правительству Республики Казахстан, акимам столицы, областей, городов республиканского значения безоплагатоительно принять все необходимые меры по организационному, материально-техническому и финансовому обеспечению выборов депутатов Курултая Республики Казахстан.

4. Настоящий Указ вводится в действие со дня его опубликования.

Қазақстан Республикасының Президенті

Қ. Тоқаев

Президент Республики Казахстан

К. Тоқаев

## SPORT ЖАҢАЛЫҚТАРЫ



Ағымдағы жылдың 25 - 28 маусым күндері Павлодар қаласында қалалар мен аудандар арасында олимпиадалық, ұлттық және халықтық спорт түрлері бойынша XXIX облыстық кешенді спартакиада бағдарламасы аясында жазғы президенттік келісімдер жарысы өтті.

Еліміздің құрама командасы қатысып, жоғары деңгейде өнер көрсетіп, облыстық додада командалық есепте күміс жүлдегер (1 359,44) атанды.

- 1 - орын Ахметбекова Анаргүл (50 - 59 жас)
- 2 - орын Умурбекова Евгения (40 - 49 жас)
- 2 - орын Түспеков Жасұлан (24 - 34 жас)
- 3 - орын Жумадилов Арман (34 - 39 жас)
- 3 - орын Сақымзада Айсана (24 - 34 жас)
- 3 - орын Ермұхамет Махамбет (18 - 23 жас)

Команда өкілі - Адамжанов Ақылбек Майданұлы.  
Спортшыларымызды құттықтаймыз!



Ағымдағы жылдың 28 - 30 маусым күндері Астана қаласында Қазақстан Республикасы халқының дене шынықтыру даярлығына тестілер аясында жарыс өтті. Павлодар облысы намысын қорғап бір топ жерлес спортшыларымыз қатысты: Ботабай Қабыкен, Ермұхамет Махамбет, Ахметбекова Анаргүл, Умурбекова Евгения және Сақымзада Айсана.

24 - 31 жас ерекшелігінде әйелдер арасында орнынан секіруден Сақымзада Айсана тамаша өнер көрсетіп, күміс жүлдегер атанды.

2026 жылдың 19-21 маусым күндері Павлодар ауылындағы «Барыс» спорт кешенінде асық атудан Павлодар облысының чемпионаты өтті. Бұл дода - Қазақстан Республикасының чемпионатына жолдама беретін маңызды іріктеу кезеңі болды.

Жарысқа облыстың үздік асықшылары қатысып, жоғары деңгейде өнер көрсетті. Солардың қатарында Май ауданынан қатысқан Май аудандық ветеринариялық зертханасының қызметкері Амангелді Шыңғыс та тартысты бәсекеде өз шеберлігін дәлелдеп, «Жеңіске деген құштарлығы үшін» номинациясының иегері атанды.

### Жарыс нәтижелері:

- 1-тур: Амангелді Шыңғыс - Кенжебеков Жанат (Екібастұз қ.) - 0:2
- 2-тур: Амангелді Шыңғыс - Ахмеджамиев Ахат (ҚР спорт шеберіне үміткер, Екібастұз қ.) - 2:0
- 3-тур: Амангелді Шыңғыс - Махметов Ермағанбет (ҚР спорт шеберіне үміткер, Екібастұз қ.) - 2:1
- 4-тур: Амангелді Шыңғыс - Нұрланов Жомарт (ХДСШ, VIII Халық ойындарының жеңімпазы, Екібастұз қ.) - 2:1
- 5-тур: Амангелді Шыңғыс - Қабылда Қуаныш (ҚР спорт шебері, Азия чемпионы, Баянауыл ауданы) - 0:2
- 6-тур: Амангелді Шыңғыс - Мажитов Айдын (ҚР спорт шеберіне үміткер, Баянауыл ауданы) - 2:1
- 7-тур: Амангелді Шыңғыс - Бораналин Қуат (ҚР спорт шебері, VIII Халық ойындарының жеңімпазы, Павлодар қ.) - 1:2

Команда өкілі: Адамжанов Ақылбек Майданұлы.

Ұлттық спорт жанашырларының жарысқа қатысуына қолдау көрсеткен Бақауов Серік Бекенұлына, сондай-ақ дайындық жұмыстарына барлық жағдай жасаған Май аудандық балалар-жасөспірімдер спорт мектебінің басшысы Темірғалинов Әкімбек Қалиақпарұлына шынайы алғысымызды білдіреміз.

Жерлес спортшыларымызға алдағы жарыстарда толағай табыс, жеңісті күндер мен биік белестер тілейміз!

«Ұлттық спорт - ұлт мұрасы». Ұлттық құндылықтарымызды бірге дәріптеп, асық ату спортын дамытуға ерқайсымыз өз үлесімізді қосайық!



## ЕСІМІ ЕЛ ЕСІНДЕ ҚАПАТЫҢ, САНАЛЫ ӨМІРІН ВЕТЕРИНАРИЯ САПАСЫНА АРНАҒАН АЗАМАТ ТУРАПЫ ЕСТЕЛІК

Осы биыл 2026 жылы алдағы айдың 10-шы шілдесінде елімізде үшінші рет Қазақстан Республикасы бойынша «Ветеринария күні» аталып өтеді құрметті оқырман, 1924 жылы Елбасымыздың арнайы мал дәрігерлердің мерекесі туралы Жарлығы шықты, бұндай мерекені Кеңес Одағы кезінде қараша айының үшінші он күндігінде «Ауылшаруашылық күні» деп аталып өтетін, осы мереке күні ветеринария саласында істейтін мал дәрігерлері де осы мерекені ауылшаруашылық еңбеккерлерімен бірге тойлайтынбыз, ол кездері «Ветеринария күні» деген мереке болмайтын. Бұл мереке Қазақстан Республикасының Президенті Тоқаев Қасым-Жомарт Кемелұлының арқасында дер едім. Қазақстан Республикасы бойынша барлық ветеринария саласында жұмыс істеп жүрген мал дәрігерлерін және зейнеткерлікке шыққан мал дәрігерлерін, осы айтулы «Ветеринария күнімен» шын жүреппен құттықтаймын, әсіресе кезінде өзім жұмыс істеген Павлодар облысы, Май ауданының мал дәрігерлерін осы атаулы мерекемен құттықтаймын, ең бірінші зор денсаулық, отбастарыңызға амандық, жұмыстарына табыс тілеймін, мал дәрігерлердің күрделі де қиыншылдығы көп кездесетін жұмысына қарамастан, аудан территориясында эпизоотиялық ахуалды тұрақты сақталуына мал дәрігерлердің ролі орасан зор. Менің Сіздерге сөз еткелі отырған, ветеринария саласының ауыр жүгін арқалап, таңның атысы, күннің батысына қарамай қажымай, талмай еңбек еткен мал дәрігері, қазір ортамызда жоқ ағамыз, бұрынғы совхоздың мал шаруашылығын дамытуға өз үлесін қосқан, совхоз кезінде еңбек еткен Шакарғалиев Болат Шөкенұлы туралы болады.

Шакарғалиев Болат Шөкенұлы (1938-2008) – 1938 жылы 4-ші наурызда Павлодар облысы, Май ауданы, Жұмыскер аулында (бұрынғы Қазан совхозы) дүниеге келген. 1955 жылы Май орта мектебін бітіріп, Қазан совхозында жұмысшы, ветеринариялық зертханасының лаборанты болып бастаған. 1959 жылы Семейдің зоотехникалық малдәрігерлік институтына түсіп, 1964 жылы аталған институтты бітіріп, малдәрігері мамандығын алып шығып диплом алған. Мамандығы бойынша ауданымыздың «Қазан» совхозында, «Жалтыр» совхозында, «Велогорье» совхозында бас мал дәрігері болып қызмет атқарған. Өзінің еңбек жолында бөлімше меңгерушісі, совхоз кәсіподақ ұйымының төрағасы, Май аудандық ветеринариялық зертханасының директоры қызметін атқарған. 1998 жылы құрметті зейнеткерлікке шыққан.

Болат аға туралы айтатын болсам, Болат аға ветеринария саласында көп жыл жұмыс істегендіктен, өзінің бай практикалық тәжірибесімен бөлісетін, мен бұл әріптесімнің айтқандарын тыңдап, ағаның ағалық қамқорлығын көрдім, әріптестер арасында өзінің жайлы мінезімен, жастарға үлгі болатындай адам болатын. Болат аға өте әңгімешіл адам болатын, өзінің басынан кешкен әңгімелерін айтып отыратын. Болат ағаны мен Чапаев атындағы совхозда мал дәрігері болып жұмыс істегеннен бастап білемін, әріптес ретінде, маман ретінде, азамат ретінде, өзіне тән ақжарқын мінезімен әріптестер арасында сыйлы азамат болды, ветеринария саласында көп жыл жұмыс істегендіктен, ветеринария саласының қиыншылығы мен ауыртпашылығына қарамастан малдәрігерлік қызметте бірнеше жыл жұмыс істегендіктен, ауданымыздың эпизоотиялық ахуалын тұрақтылығын сақтап, адам мен жануарларға ортақ аса қауіпті аурулардан сақтануына, тамақ қауіпсіздігінің сақталуына, өзінің орасан зор үлесін қосқан азамат болды. Болат Шөкенұлы өзінің саналы ғұмырын ауылшаруашылығы пен ветеринария саласына арнады, қырық жылдан астам еңбек етті, еңбек ардагері, аудандық ардагерлер кеңесінің төрағасы болды және ауданымыздың саяси қоғамдық өміріне белсене араласты.

Шөкенұлы Болат аға білікті маман ғана емес, отбасында да өнегелі әке, жанашыр жар, мейірімді әке бола білді, жұбайы Идрисова Русса Шекебайқызы екеуі отбасында екі ұл бала, екі қыз бала тәрбиелеп өсірген, балалары Айбек, Асқар, Гульжан, Гульдана, балаларының барлығы отбасылы, орта және жоғары білім алған, әр салада қызмет істеп жүр. Болат аға көп жылдық елеулі еңбегі үшін облыс, аудан тарапынан құрмет грамоталарымен, алғыс хаттармен және екі медальмен марапатталған. Әке жолын қуған Айбек Болатұлы зоотехникалық – малдәрігерлік институттың ветеринариялық факультетіне оқуға түсіп, оны ойдағыдай аяқтап, диплом алып, бүгінгі таңда Қазақстан Республикасы Ауылшаруашылығы Министрлігі Агроөнеркәсіптік кешеніндегі мемлекеттік инспекция комитетінің Павлодар облыстық аумақтық инспекциясының, Солтүстік аймақтағы шекарадағы және көліктегі мемлекеттік ветеринариялық бақылау басқармасының «Қосақ» бекетінің ветеринариялық санитариялық инспекторы болып қызмет істеп жүр. Шөкенұлы Болат есімі ел жайында сақталатын, өнегесі өшпейтін асыл азаматтың бірі, туған-туыстары мен жерлестері, әріптестері оны сағынышпен еске алып, артында қалған балалары, әкесін мақтан етеді, Шөкенұлы Болаттың жарқын бейнесі ел есінде мәңгі қалады.



Түсіпбеков Ерғанат Шомитұлы  
Ветеринария саласының ардагері,  
зейнеткер

## 50 ЖЫЛДАН КЕЙІНГІ КЕЗДЕСУ



Ойпырмай, оқтай зулап 50 жыл да өте шығыпты-ау! Кім ойлаған? Ол кездегі Велогорье орта мектебінде (қазіргі Еркін Мұқашев атындағы мектеп) өткен соңғы қоңырау да есімде.

Біздің кластың атынан шығып сөйлеген Смайылова Бақыттың «сценарий бойынша» солқылдап жылағаны, менің де 2 шумақ пісілі-шікілі өлеңімді кішкентай ақсары блокнотымнан толқи тұрып айтқаным, үйге қайтып бара жатып: «Жақсы өлең жазып әкеліп, осы мектеп алдында тағы да бір оқырмын-ау!» – деп өзіме-өзім серт бергенім, ол уәдемің орындалуына тұп-тура 50 жыл кететінін мен сол кезде біліппін бе?!

Алгебрадан алғашқы сынақ та есімде. Бәрі жиналып болды-ау деген мезетте класс жетекшіміз (ол кезде сынып деген сөз әлі қолданысқа енген) Бишамал Марсенқызы бәрімізді сыртқа алып шығып, мектептің табалдырығына қатарлап тұрғызып (өзі ортамызда) суретке түсірген еді. Тегі, фотограф пен алдын-ала келісілген болуы керек. Сол суреттегі Бишамал ұстазымыз бен ковидтан кеткен Халықов Мүбәрак кластасымыздан басқамыз, Құдайға шүкір, әл-әзірге Жер бетінде жүрміз...

Аттестат алған күніміз де есімде. 1 класс қазақ, 2 класс орыс сыныбын қосқанда, жиыны 96 бала бітіріппіз сол жылы. Мектептің акт залында берді аттестатымызды. «100-ге тарта түлек қалай сиып отырдық екен?» – деп таң қаламын бүгін сол залға қарап... Жаңа көйлек, туфли алып, жаңа шалбар киіп шыққанбыз бәріміз де. Ол уақытта екі қабатты тұрмыстық үй (дом быта) жұмыс істеп тұр, көйлек-шалбарға тапсырыс беруге болады. Кей қыздардың аппақ түсті емес, көгілдір, тіптен көкшіл көйлек киіп келгендері есімде қалыпты. Ата-аналар бізбен бірге болған жоқ. Не ішіп-жегеніміз де есте қалмап-

ты, тек «таңды қарсы аламыз» деп қазіргі жағажай тұсына барғанымыз, жалтырлық балалар шаршап-шалдығып үйге қайтып келе жатқанымыз күні кеше болғандай санамда әлі де жаңғырып тұр!

«50 жылдық кездесуге шақырып жатыр!» – деген соң, мектеп директоры Гүлдіара Балтабек қызымен хабарластым. «Менің оқитын өлеңім бар!» – деп. Қас қылғандай, осындай сәтке арналған «Итмұрын гүлдеп тұрғанда» деген өлеңім көп қағазымның арасынан табылмай кетіп, түлектер кездесуінде «Бейтерек» деген басқа өлеңімді оқыдым. 50 жыл бұрын осы мектепті бітірген 96 баладан 5-ақ кісі қатыстық сол шараға. Сонау Алман елінен (Германия) Саша Сенгер жетіпті таудай сағынышын арқалап, қалғанымыз осы төңіректен біз... Бізден біреу жыл бұрын бітіргендер де, кейіннен оқығандар да (45, 40, 35, 30, 25, 20 жыл бұрын аяқтағандар) мектебіміздің үш қабатын түгел аралап, суретке түсіп, бір жырғап қалдық. Әсіресе, кіреберіс тегі ескі парта, жез қоңырау балалық шағымызға қайта алып барғандай болды. Осыны ұйымдастырған Гүлдіара Балтабекқызына алғысымыз шексіз!

Иә, біздің класс түгелге жуық Павлодарда, коттеджде кездестік. Кейіндеу, маусым айының алтысында. Алдында Мәшһүр Жүсіп мешітінде марқұм ұстаздарымыз бен кластастарымызға (10-сыныпқа дейін біраз бала оқыпты) Құран бағыштаттық өзіміздің жиен (жалтырлық), Египеттен оқып келген Ислам имамға. Содан кейін коттеджде барып, емін-еркін көсілдік. Мұны ұйымдастырған сол баяғы старостамыз Бақыт пен Үміткен (кластасымыз Құрмантай Ермековтың жұбайы).

Сіздерге де біз сияқты 50 жылдық кездесуді нәсіп етсін!

Ғабит Сапаров, Павлодар қаласы.



## КӨКТҮБЕК АУЫЛДЫҚ ОКРУГІ ӘКІМІ ЛАУАЗЫМЫНА КАНДИДАТ МАСҒҰТОВ МАҚСҰТ БАЛТАБЕКҰЛЫНЫҢ САЙЛАУАЛДЫ БАҒДАРЛАМАСЫ



Құрметті Көктүбек ауылдық округінің тұрғындары!  
Мен, Масғұтов Мақсұт Балтабекұлы, 1988 жылғы 7 маусымда Павлодар облысында дүниеге келдім. «Информатика» және «Құқықтану» мамандықтары бойынша жоғары білімім бар. Алты жылдан астам уақыт информатика пәнінің мұғалімі болып қызмет атқардым. 2015 жылдан бері ауылдық округі әкімі аппаратында бас маман болып жұмыс істеп келемін. Осы жылдар ішінде жергілікті маңызы бар мәселелерді шешуде, мемлекеттік органдармен және тұрғындармен тиімді өзара іс-қимыл жасауда мол тәжірибе жинақтадым.

Көктүбек ауылдық округі әкімі лауазымына өз кандидатурамды ұсына отырып, алдыма ауыл тұрғындарының өмір сүру сапасын арттыруды, ауылдық округтің тұрақты дамуын қамтамасыз етуді және әрбір тұрғынмен ашық әрі сындарлы диалог орнатуды басты мақсат етіп қоямын.

Бағдарламамның негізгі бағыттары

- 1. Инфрақұрылымды дамыту**  
-автомобиль жолдарын жөндеуге және күтіп ұстауға жәрдемдесу;  
-көшелерді, аулаларды және қоғамдық орындарды абаттандыру;  
-көшелерді жарықтандыру жүйесін дамыту;  
-ауыз су сапасы мен инженерлік желілердің тиімді жұмысын бақылау.
  - 2. Ауыл шаруашылығы мен кәсіпкерлікті қолдау**  
-шаруа қожалықтарының дамуына қолдау көрсету;  
-тұрғындарды мемлекеттік қолдау бағдарламалары туралы ақпараттандыру;  
-шағын және орта бизнестің дамуына қолайлы жағдай жасау;  
-ауылдық округтің дамуына инвестициялар тартуға ықпал ету.
  - 3. Халықты әлеуметтік қолдау**  
-әлеуметтік жағынан осал санаттағы азаматтарға қолдау көрсету;  
-ардагерлерге, зейнеткерлерге, мүгедектері бар адамдарға және көпбалалы отбасыларға қамқорлық жасау;  
-балаларға, жастарға және аға буын өкілдеріне арналған іс-шараларды ұйымдастыру.
  - 4. Білім, спорт және мәдениетті дамыту**  
-білім беру ұйымдарын қолдау;  
-бұқаралық спортты дамытуға және салауатты өмір салтын қалыптастыруға жағдай жасау;  
-мәдени және қоғамдық іс-шараларды ұйымдастыру;  
-дарынды жастар мен тұрғындардың бастамаларын қолдау.
  - 5. Тазалық пен абаттандыру**  
-елді мекендердің санитарлық тазалығын жүйелі түрде қамтамасыз ету;  
-көгалдандыру жұмыстарын жүргізу және ағаш отырғызу;  
-заңсыз қоқыс орындарын жою;  
-қоршаған ортаға ұқыпты қарау мәдениетін қалыптастыру.
  - 6. Ашық әрі жауапты басқару**  
-тұрғындармен тұрақты кездесулер өткізу;  
-азаматтардың өтініштері мен ұсыныстарын ашық қарау;  
-қабылданатын шешімдердің ашықтығын қамтамасыз ету;  
-тұрғындардың мәселелеріне жедел әрекет ету.
- Менің жұмыс қағидаттарым**
- адалдық пен жауапкершілік;
  - ашықтық пен қолжетімділік;
  - әрбір тұрғынға құрметпен қарау;
  - бюджет қаражатын тиімді пайдалану;
  - ауылдық округ тұрғындарының игілігі үшін қызмет ету.

### Құрметті жерлестер!

Ауылдық округіміздің өркендеуі баршамыздың бірлескен еңбегіміздің нәтижесі. Мен әрбір тұрғынның пікірін тыңдап, халық мүддесіне сай шешімдер қабылдап, туған өлкеміздің дамуы үшін адал еңбек етуге дайынмын. Бірлесі отырып, Көктүбек ауылдық округін көркейткен, жайлы әрі өмір сүруге қолайлы мекенге айналдырамыз деп сенемін.

Сіздердің сенімдеріңіз - менің жауапкершілігім!

## ҚАРАТЕРЕК АУЫЛДЫҚ ОКРУГІ ӘКІМІ ЛАУАЗЫМЫНА КАНДИДАТ Бейсеңбаева Самал Ерсайынқызының САЙЛАУАЛДЫ БАҒДАРЛАМАСЫ

«Халықпен бірге – жарқын болашаққа!»  
Құрметті жерлестер!



Менің басты мақсатым – тұрғындардың өмір сүру сапасын жақсарту, ашық әрі әділ мемлекеттік басқаруды қамтамасыз ету және өңіріміздің тұрақты дамуына үлес қосу.

Егер Сіздер маған сенім білдірсеңіздер, төмендегі бағыттар бойынша жүйелі жұмыс жүргіземін:

- Халықпен тұрақты кері байланысты қамтамасыз ету;
- Бюджет қаражатының ашық әрі тиімді жұмсалыуына ықпал ету;
- Ауылдардың инфрақұрылымын дамыту;
- Ауыз су, интернет және коммуналдық қызметтердің сапасын жақсартуды қолдау;

- Жастарды жұмыспен қамту мен кәсіпкерлікті дамытуға ықпал ету;
- Әлеуметтік осал топтарға қолдау көрсету;
- Ашықтық, адалдық және жауапкершілік қағидаттарын ұстану.

Біздің ортақ мақсатымыз – дамыған, жайлы және болашағы жарқын өңір қалыптастыру!

Маған сенім білдіріңіздер – бірге нәтижелі жұмыс атқарамыз!

### Май аудандық аумақтық сайлау комиссиясының құрамы

2026 жылғы 23 тамызға Құрылтай депутаттарын сайлау тағайындалуына байланысты және «Қазақстан Республикасындағы сайлау туралы» Қазақстан Республикасы Конституциялық заңының 13-бабының 4-тармағына сәйкес Май аудандық аумақтық сайлау комиссиясының құрамын жариялаймыз:

- Төраға – Кишкеналина Марина Валиевна;  
Төрағаның орынбасары – Ташенова Мархаббат Қуандыққызы  
Хатшы – Какимова Гульсара Каирбекқызы  
Комиссия мүшелері – Андерова Маржан Сабыровна  
- Галимова Бахытжан Ниязқызы  
- Мухтаров Ернур Сержанұлы  
- Смагулова Толқын Мұхаметжанқызы

Орналасқан жері: Көктөбе ауылы, Әйтеке би көшесі 12, «Аудандық оқушылар үйі» КМҚК ғимараты, тел. 8(71838) 91213.

## ПРЕДВЫБОРНАЯ ПРОГРАММА кандидата на должность акима Коктубекского сельского округа Масугутова Максута Балтабеновича



Уважаемые жители Коктубекского сельского округа!  
Я, Масугутов Максут Балтабенович, родился 7 июня 1988 года в Павлодарской области. Имею высшее образование по специальностям «Информатика» и «Юриспруденция». Более шести лет работал учителем информатики, а с 2015 года являюсь главным специалистом аппарата акима сельского округа. За годы работы приобрел опыт решения вопросов местного значения, взаимодействия с государственными органами и жителями.

Выдвигая свою кандидатуру на должность акима Коктубекского сельского округа, ставлю перед собой главную цель – создание комфортных условий для жизни населения, развитие сельского округа и открытый диалог с каждым жителем.

Основные направления моей программы

### 1. Развитие инфраструктуры

- содействие ремонту и содержанию автомобильных дорог;
- благоустройство улиц, дворов и общественных территорий;
- развитие уличного освещения;
- контроль за качественным водоснабжением и содержанием инженерных сетей.

### 2. Поддержка сельского хозяйства и предпринимательства

- содействие развитию крестьянских хозяйств;
- информирование жителей о государственных программах поддержки;
- создание благоприятных условий для развития малого и среднего бизнеса;

### 3. Социальная поддержка населения

- оказание помощи социально уязвимым категориям граждан;
- поддержка ветеранов, пенсионеров, людей с инвалидностью и многодетных семей;
- организация мероприятий для детей, молодежи и людей старшего поколения.

### 4. Развитие образования, спорта и культуры

- поддержка образовательных учреждений;
- создание условий для занятий спортом и здорового образа жизни;
- проведение культурных и общественных мероприятий;
- поддержка талантливой молодежи и инициатив жителей.

### 5. Чистота и благоустройство

- организация системной работы по санитарной очистке населенных пунктов;
- озеленение территорий и посадка деревьев;
- ликвидация несанкционированных свалок;
- развитие культуры бережного отношения к окружающей среде.

### 6. Открытость и ответственность власти

- регулярные встречи с населением;
- открытое рассмотрение обращений граждан;
- прозрачность в принятии решений;
- оперативное реагирование на проблемы жителей.

### Мои принципы работы

- честность и ответственность;
- открытость и доступность;
- уважение к каждому жителю;
- эффективное использование бюджетных средств;
- работа на благо всех жителей сельского округа.

### Уважаемые земляки!

Благополучие нашего сельского округа зависит от совместной работы власти и жителей. Я готов добросовестно трудиться, слышать каждого и принимать решения в интересах людей. Уверен, что вместе мы сможем сделать Коктубекский сельский округ современным, благоустроенным и комфортным для жизни.

Ваше доверие – моя ответственность!

## ПРЕДВЫБОРНАЯ ПРОГРАММА кандидата на должность акима КАРАТЕРЕКСКОГО сельского округа Бейсеңбаевой Самал Ерсайиновны

«Вместе с народом – к достойному будущему!»  
Уважаемые жители!



Моя главная цель – повышение качества жизни населения, обеспечение открытой и справедливой работы государственных органов и содействие устойчивому развитию нашего региона.

Если вы окажете мне доверие, я буду работать по следующим направлениям:

- Обеспечение постоянной обратной связи с жителями.
- Содействие открытому и эффективному использованию бюджетных средств.
- Развитие инфраструктуры населённых пунктов.
- Поддержка улучшения качества коммунальных услуг, водоснабжения и интернета.

- Поддержка молодежи, занятости и предпринимательства.
- Забота о ветеранах, многодетных семьях и социально уязвимых гражданах.
- Работа на принципах честности, открытости и ответственности.

Наша общая цель – создать комфортный, современный и процветающий регион.

Доверяя мне, вы выбираете ответственную и честную работу на благо жителей!

### Состав Майской районной территориальной избирательной комиссии

В связи с назначением на 23 августа 2026 года выборов депутатов Курултая и в соответствии с пунктом 4 статьи 13 Конституционного закона Республики Казахстан «О выборах в Республике Казахстан» публикуем состав Майской районной территориальной избирательной комиссии:

- Председатель – Кишкеналина Марина Валиевна  
Заместитель председателя – Ташенова Мархаббат Қуандықовна  
Секретарь – Какимова Гульсара Каирбекковна  
Члены комиссии – Андерова Маржан Сабыровна  
- Галимова Бахытжан Ниязовна  
- Мухтаров Ернур Сержанович  
- Смагулова Толқын Мұхаметжановна

Местонахождение: село Коктөбе, ул. Әйтеке би, строение 12, здание КГКП «Районный Дом школьников», тел.8(71838) 91213.



ҚАЗАҚСТАН РЕСПУБЛИКАСЫ ДЕНСАУЛЫҚ  
САҚТАУ МИНИСТРЛІГІ



САЛИДАТ ҚАЙЫРБЕКОВА АТЫНДАҒЫ  
ҰЛТТЫҚ ҒЫЛЫМИ ДЕНСАУЛЫҚ  
САҚТАУДЫ ДАМУ ОРТАЛЫҒЫ

## ЭНЕРГЕТИКАЛЫҚ СУСЫНДАРДЫ ТҰТЫНУДЫҢ АЛДЫН АЛУ

20,5%

11-15 жас аралығындағы  
жасөспірімдер  
энергетикалық сусындарды  
үнемі тұтынады  
HBSC, 2022

21+

ҚАЗАҚСТАНДА ЭНЕРГЕТИКАЛЫҚ СУСЫНДАРДЫ 21 ЖАСҚА  
ТОЛМАҒАН АДАМДАРҒА САТУҒА ТЫЙЫМ САЛЫНҒАН

Негіздеме: Қазақстан Республикасы «Халық денсаулығы және денсаулық сақтау жүйесі туралы» Кодексі, 108-1-бап.  
Тыйым салу 2025 жылдың қаңтар айынан бастап күшіне енді.

### АҒЗАҒА ӘСЕРІ




#### Ми

мазасыздық, ұйқының бұзылуы, ашушаңдық, күндіз шаршағыштық



#### Тіс

тісжегі, эмальдің бұзылуы жоғары қышқылдық, қантты көп тұтыну.



#### БҮЙРЕК ПЕН БАУЫР

-тас пайда болу қаупі, химиялық қоспалардың шамадан тыс әсері.



#### АСҚАЗАН

асқазан-ішек жолы шырышының тітіркенуі, қызыл, асқазан қышқылдығының жоғарылауы, іштің ауыруы



#### ЖҮРЕК-ҚАНТАМЫР ЖҮЙЕСІ

жүрек қағысының жиілеуі, қан қысымының жоғарылауы, аритмия мен инфаркт қаупі

### ҚҰТЫ ІШİNДЕ НЕ БАР?



#### КӨП ҚАНТ

1 құтыда (0,5 л) 10-13 шай қасық қант (60 г дейін) болуы мүмкін.



#### КОФЕИН

80-160 мг кофеин - шамамен 1-2 шыныаяқ қою кофе секілді.



#### ГУАРАНА

Өсімдік тектес кофеиннің қосымша көзі.



#### БАСҚА ҚОСПАЛАР

Таурин, бояғыштар, хош иістендіргіштер мен консерванттар ағзаға түсетін жүкті күшейтіп, аллергиялық реакциялар тудыруы мүмкін.

Энергетикалық сусындарды алкогольмен бірге тұтыну, сондай-ақ оларды дене жүктемесі немесе ұйықтар алдында ішу әсіресе қауіпті.



### ЭНЕРГЕТИКАЛЫҚ СУСЫНДАРДЫ САТУ ҚАҒИДАЛАРЫ



Сатушы сатып алушының жасына күмән туған жағдайда оның жеке басын куәландыратын құжатты талап етуге құқылы



Энергетикалық сусындарды сауда автоматтары арқылы сатуға тыйым салынады



Энергетикалық сусындар басқа алкогольсіз сусындардан бөлек, жеке сөрелерде орналастырылуы тиіс



Энергетикалық сусындарды басқа сергітетін немесе салқындататын сусындар ретінде көрсетуге (жасыруға) тыйым салынады



Осы талаптарды бұзған жағдайда әкімшілік жауапкершілік көзделген.

### ЭНЕРГЕТИКАЛЫҚ СУСЫНДАРҒА ПАЙДАЛЫ БАЛАМАЛАР



СУ



ЖЕМІСТЕР МЕН  
ЖИДЕКТЕР



ҚАНЫҚ  
ҰЙҚЫ



ҮНЕМІ  
ҚИМЫЛ-ҚОЗҒАЛЫСТА  
БОЛУ



УАҚЫТТЫ  
ЖОСПАРЛАУ  
ЖӘНЕ БАСҚАРУ

## АҚПАРАТТЫҚ ХАБАРЛАМА

Май ауданының әкімдігі ҚР Жер кодексіне, «ҚР жергілікті мемлекеттік басқару және өзін-өзі басқару туралы» ҚР Заңына және «Жайылымдар туралы» ҚР Заңына сәйкес Май ауданының босалқы жерлері мен арнайы жер қоры құрамындағы жер учаскелерін 10 жылға дейінгі мерзімге резервке қою туралы қаулы қабылданғанын хабарлайды. Жер учаскелерін резервке қою мынадай мақсаттарда жүзеге асырылады:

- халықтың жеке қосалқы шаруашылығын жүргізу үшін жайылымдық және шабындық алқаптарға деген қажеттілігін қамтамасыз ету;
- қандастар мен қоныс аударушыларға шаруа немесе фермер қожалығын жүргізу және жайылымдық алқаптарға деген қажеттілігін қамтамасыз ету үшін жер учаскелерін беру;
- елді мекендердің шекарасын перспективалық кеңейту.

Резервке қойылған жер учаскелерінің тізбесі мен орналасу схемасы Май ауданы әкімдігінің қаулысымен бекітілген және заңнамада белгіленген тәртіппен жарияланған.

Резервке қойылған жер учаскелеріне құқықтар Қазақстан Республикасының жер заңнамасына, жайылымдарды басқару жөніндегі бекітілген жоспарға және жер учаскелерінің нысаналы мақсатына сәйкес берілетін болады. Жер учаскелерін резервке қою және оларды беру тәртібі бойынша қосымша ақпарат алу үшін азаматтар Май ауданы жер қатынастары бөліміне жүгіне алады.

Елді мекендердің шекарасын перспективалық кеңейту және халықтың ауыл шаруашылығы жануарларын жаю қажеттіліктерін қанағаттандыру мақсатында жайылымдық алқаптардың тізімі

№	Жер қоры санатынан	Негіз	Жайылым жердің көлемі	Резерв мерзімі	Кадастрлық нөмірі (бар болса)
1	Саты ауылдық округі,	Жайыл. басқару жоспары	382,8794	10 жыл	14-210-086
2	Көктүбек ауылдық округі	Жайыл. басқару жоспары	400,0	10 жыл	14-210-014-088
3	Көктүбек ауылдық округі	Жайыл. басқару жоспары	4583,1335	10 жыл	14-210-020-067
4	Көктүбек ауылдық округі	Жайыл. басқару жоспары	520,0	10 жыл	14-210-019
5	Көктүбек ауылдық округі	Жайыл. басқару жоспары	603,0	10 жыл	14-210-043
6	Майтүбек ауылы	Жайыл. басқару жоспары	401,0	10 жыл	14-210-113
7	Майтүбек ауылы	Жайыл. басқару жоспары	1300,0	10 жыл	14-210-115
8	Қазан ауылдық округі	Жайыл. басқару жоспары	802,0	10 жыл	14-210-101
9	Қазан ауылдық округі	Жайыл. басқару жоспары	450,0	10 жыл	14-210-103
10	Баскөл ауылдық округі	Жайыл. басқару жоспары	200,3	10 жыл	14-210-002-037
11	Ақшимаң ауылдық округі	Жайыл. басқару жоспары	500,7	10 жыл	14-210-087-047
12	Ақшимаң ауылдық округі	Жайыл. басқару жоспары	519,0	10 жыл	14-210-081-018
13	Малайсары ауылдық округі	Жайыл. басқару жоспары	300,6	10 жыл	14-210-061-010
14	Ақшимаң ауылдық округі	Жайыл. басқару жоспары	1005,6	10 жыл	14-210-085
15	Баскөл ауылдық округі	Жайыл. басқару жоспары	454,503	10 жыл	14-210-001-016
16	Ақшимаң ауылдық округі	Жайыл. басқару жоспары	665,0267	10 жыл	14-210-085-084
17	Ақшимаң ауылдық округі	Жайыл. басқару жоспары	999,1656	10 жыл	14-210-085-082
18	Ақшимаң ауылдық округі	Жайыл. басқару жоспары	2665,59	10 жыл	14-210-085-085
19	Ақшимаң ауылдық округі	Жайыл. басқару жоспары	1411,9192	10 жыл	14-210-085-086
20	Қаратерек ауылдық округі	Жайыл. басқару жоспары	800,0	10 жыл	14-210-131-003
21	Қаратерек ауылдық округі	Жайыл. басқару жоспары	401,5	10 жыл	14-210-131
22	Ақшимаң ауылдық округі	Жайыл. басқару жоспары	633,66	10 жыл	14-210-081-017
23	Ақшимаң ауылдық округі	Жайыл. басқару жоспары	401,5	10 жыл	14-210-081-024
24	Көктөбе ауылдық округі	Жайыл. басқару жоспары	190,0	10 жыл	14-210-131-003
			20591,0774		

Май ауданының жер қатынастары бөлімі

## Хабарландыру!

«Қаражыра» АҚ 15.07.2026 жылдан бастап 11.08.2026 жылға дейін аралығында Қоршаған ортаның және табиғи ресурстардың жай-күйі туралы ұлттық деректер банкі порталында <https://ndbecology.gov.kz/> ядролық қару сынақтары бұрын жүргізілген, сондай-ақ әскери полигондардың әсеріне ұшыраған жерлерді кешенді экологиялық зерттеу материалдары бойынша қоғамдық талқылау нысанындағы қоғамдық тыңдаулар өткізілетіні туралы хабарлайды. Қарастырылатын, «Қаражыра» көмір кен орнына іргелес орналасқан, ауданы 553,10 га жер учаскесін кешенді экологиялық зерттеу материалдары.

Қоғамдық талқылау нысанындағы қоғамдық тыңдауларды үйлестіруге жауапты орган – «Павлодар облысының жер қойнауын пайдалану, қоршаған орта және су ресурстары басқармасы» ММ. Материалдар пакетімен танысу және ескертулер мен ұсыныстар енгізу үшін «Қоршаған ортаның және табиғи ресурстардың жай-күйі туралы ұлттық деректер банкі» порталға өтуге болады: <https://ndbecology.gov.kz/>.

Жоспарланып отырған қызметтің бастамашысы: «Қаражыра» АҚ, заңды мекенжайы: Қазақстан Республикасы, Абай облысы, Семей қ., Би Боранбай көшесі, 93-үй, 071412, БСН: 021240000409, тел.: 8 (7222) 30-22-07, 30-21-89.

Дайындаушы: ҚР Атом энергиясы агенттігінің «Қазақстан Республикасының Ұлттық ядролық орталығы» ШЖҚ РМК, заңды мекенжайы: Қазақстан Республикасы, Абай облысы, Курчатов қ., Бейбіт Атом көшесі, 2, 180010, БСН: 990240001722, тел.: 8 (72251) 3-33-33.



## Объявление!

АО «Қаражыра» уведомляет о том, что с 15.07.2026 года по 11.08.2026 года на портале НБД СОС и ПР (Национальный банк данных о состоянии окружающей среды и природных ресурсов) <https://ndbecology.gov.kz/> будут проводиться общественные слушания в формате публичных обсуждений материала комплексного экологического обследования земельного участка, прилегающего к угольному месторождению «Қаражыра» площадью 553,10 га;

Орган ответственный за координацию общественных слушаний в форме публичного обсуждения, ГУ «Управление недропользования, окружающей среды и водных ресурсов Павлодарской области». С пакетом материалов можно ознакомиться на портале НБД СОС и ПР (Национальный банк данных о состоянии окружающей среды и природных ресурсов) для предоставления замечаний и предложений <https://ndbecology.gov.kz/>.

Инициатор намечаемой деятельности: АО «Қаражыра», юр. адрес: Республика Казахстан, Область Абай, г. Семей, ул. Би Боранбая, д. 93, 071412, БИН: 021240000409, тел.: 8 (7222) 30-22-07, 30-21-89.

Разработчик: РГП на ПХВ «Национальный ядерный центр Республики Казахстан» Агентства РК по атомной энергии, юр. адрес: Республика Казахстан, Область Абай, г. Курчатов, ул. Бейбит Атом, 2, 180010, БИН: 990240001722, тел.: 8 (72251) 3-33-33.



				Азерб. ковер	Украинский стих	Крупнейший "осколок Африки"													
Греч. буква	Старин. название Дона	Операция по-милицейски	Отец рода чело-веческого	Панамская валюта	"Щелкунчик", героиня	ДДТ	Житель Албании в Турции	Дерево рода ильм	Англ. город в Мерсисайд										
			"Стал белый, как ..."	Морской порт в Чили	Жена папы	1 мм рт.ст.		Муз. коллектив	Морская свинка										
	Пятикнижие		Суждение наперед, заранее	"Слушаю!"			Гора близ Иерусалима	Курорт в Японии											
	Река в Италии	Приток Северной Двины	Чеш. композитор	Суждение наперед, заранее	Космонавт США	Город в Германии	Госпожа (нем.)	"Территория любви"	Немецкая фотопленка										
		В егип. миф. бог солнца	Химическое вещество				Игра смычком	Тройная корона папы римского											
Мюнхгаузен	Порода казахской лошади	Рассказ Набокова		Линкольн				Обращение к музыканту											
			Монгольский орган власти	Ковбойский штат в США	Индеец	Куприн, повесть	Порт, Франция	Семейный ...	Исп. живописец	Якутский порт									
Партия Жириновского	Защита, твердыня			Сын Осириса и Исиды			Петух клюнул Дадона	"Рок-вые яйца", перс.	Мыс на Кипре										
			Альфа Льва				Все, что по пояс		Защита порта	Спасат. круг	Датская губерния								
	1 млн. (др.-рус.)	Основоположник агрохимии		Замыкание электр. цепи			Оценка знаний учащегося												
			Крик при овациях	Библейский пророк			Вселенная, весь мир												
Франц. хирург	Город в Латвии			Арина Родионовна			Сочетание красок												

ТЕЛЕАРНА  
 ТЕЛЕДИДАР  
 СЕРИАЛ  
 КИНО  
 ЖАҒАЛЫҚ  
 МУЛЬТ-  
 ФИЛЬМ  
 РЕПОРТАЖ  
 ДЕРЕКТІ  
 БАҒДАРЛАМА  
 КАМЕРА  
 АКТЕР

СЦЕНАРИЙ  
 РЕЖИССЕР  
 МОНТАЖ  
 АНОНС  
 ЭКРАН  
 МИКРОФОН  
 ДРАМА  
 ЖАРНАМА  
 ЖАРИЯЛАУ  
 ДИКТОР  
 ТЕЛЕМҰНАРА

Т	В	А	П	Р	Л	О	Д	Р	М	Ж	К	О	Й	С
М	Е	Р	Р	А	У	Р	Е	Е	Р	А	Р	Т	У	С
Қ	Е	Л	И	Е	А	Н	О	П	Е	Р	І	И	А	С
А	Ы	Р	Е	М	Т	Н	Г	О	С	Н	Т	М	Л	Ы
Н	Е	Л	А	А	И	К	А	Р	С	А	К	И	Я	Д
С	Ы	М	А	К	Р	Н	А	Т	И	М	Е	К	И	А
К	А	Й	Д	Ң	О	Н	А	А	Ж	А	Р	Р	Р	Р
С	Ы	Н	С	Н	А	Е	А	Ж	Е	Н	Е	О	А	Е
Б	А	Л	С	А	П	Ж	А	Д	Р	Н	Д	Ф	Ж	М
С	Ц	Е	Н	А	Р	И	Й	О	И	Э	Т	О	К	А
М	У	Л	Ь	Т	Ф	И	Л	Ь	М	К	К	Н	Е	К
Ж	А	Т	Н	О	М	Н	Д	Е	К	О	Т	Р	Р	Е
Л	Т	Е	Л	Е	М	Ұ	Н	А	Р	А	Л	О	А	Ж
А	М	А	Л	Р	А	Д	Ғ	А	Б	М	А	Ц	Р	Н
К	Е	И	Т	И	М	Т	Е	Л	Е	Д	И	Д	А	Р

## «Мерейлі отбасы» ұлттық конкурсының МҰНДЫРМАДАСЫ

### Кіріспе

«Мерейлі отбасы» ұлттық конкурсы (бұдан әрі – Конкурс) адамгершілік құндылықтарды жаңғыртуға және отбасы мен некенің (ерлі-зайыптылықтың) жағымды үлгісін дәріптеуге, отбасы мәртебесін арттыруға бағытталған.

Конкурс 15 мамырдан кешіктірмей жарияланады.

Конкурс өткізу туралы ақпараттық хабарлама БАҚ-та, сондай-ақ МАМ-ның, ЖАО-лардың және басқа да әлеуметтік желілердегі ресми аккаунттарда жарияланады.

Конкурс Қазақстан Республикасы Үкіметінің 2014 жылғы 5 наурыздағы № 181 қаулысымен бекітілген «Мерейлі отбасы» ұлттық конкурсын өткізу қағидаларына (бұдан әрі – Қағидалар) сәйкес өткізіледі (Қағидаларға ҚР Үкіметінің 2021 жылғы 6 мамырдағы № 306 және 2022 жылғы 16 қарашадағы № 904 қаулысымен өзгерістер енгізілді).

### Конкурсты өткізудің мақсаты:

1) Отбасы институтын, адамгершілікті, руханиятты нығайту, жауапты ерлі-зайыптылықтың маңызын тану;

2) Ата-аналардың бала тәрбиелеудегі жауапкершілігін арттыру;

3) Отбасылық құндылықтарды, кәметке толған балаларының еңбекке қабілетсіз және егде жастағы ата-аналарына қамқорлығын дәріптеу және кеңінен насихаттау;

4) Қазақстандық отбасының жағымды имиджін насихаттау.

### Конкурсты өткізу тәртібі:

1. 2026 жылғы 8 мамырға дейінгі мерзімде «Мерейлі отбасы» ұлттық конкурсын дайындау және өткізу бойынша жұмысты үйлестіру жөніндегі ұйымдастыру комитетінің (бұдан әрі – ұйымдастыру комитеті) құрамын бекіту.

2. 2026 жылғы 8 мамырға дейінгі мерзімде «Мерейлі отбасы» ұлттық конкурсын ұйымдастыру мен өткізуді ақпараттық сүйемелдеудің Медиа-жоспарын бекіту, сондай-ақ Конкурстың барлық кезеңдерін дайындау мен өткізуді үйлестіру.

3. 2026 жылғы 15 мамырға дейін Ұйымдастыру комитетінің бірінші отырысын өткізу.

4. 2026 жылғы 15 мамырда Халықаралық Отбасы күні қарсаңында (International Day of Families) #Отбасым2026 хэштегімен «Мерейлі отбасы» ұлттық конкурсын өткізудің басталуы туралы «Хабар», «Хабар24», «Қазақстан» республикалық телеарналарында, «Таңшолпан» ақпараттық-музыкалық бағдарламасында, МАМ-ның ресми сайтында, әлеуметтік желілерде жарияланады.

5. Конкурстың екі кезеңін өткізу. Бірінші кезең – аудандық (қалалық), екінші – облыстық (республикалық маңы-

зы бар қала, астана).

6. МАМ жеңімпаз отбасылар туралы бағдарламалар циклін (бейнероликтер) дайындайды, «Хабар», «Хабар24», «Қазақстан» телеарналарында, «Таңшолпан» ақпараттық-музыкалық бағдарламасында, МАМ ресми сайтында, әлеуметтік желілерде жариялайды.

7. 2026 жылғы 8 қыркүйекке дейін Отбасы күні қарсаңында конкурс лауреаттарын салтанатты марапаттау рәсімін өткізу (диплом мен ерекшелік белгісін (мүсіншені) табыстай отырып).

### Бірінші кезең – аудандық (қалалық) деңгейде:

1. 2026 жылғы 8 мамырға дейінгі мерзімде мүдделі мемлекеттік органдар, заңды тұлғалар, қоғам қайраткерлері мен өткен жылдардағы аудандық (қалалық) турлар конкурсының лауреаттары қатарынан конкурс жеңімпаздарын айқындау жөніндегі комиссияны (бұдан әрі – Комиссия) құру және бекіту.

2. Комиссия туралы ереже тиісті әкімшілік-аумақтық бірлік әкімінің өкімімен бекітіледі.

3. 2026 жылғы 8 мамырға дейінгі мерзімде «Мерейлі отбасы» ұлттық конкурсын ұйымдастыру мен өткізуді ақпараттық сүйемелдеудің Медиа-жоспарын әзірлеу және бекіту, сондай-ақ Конкурстың барлық кезеңдерін дайындау мен өткізуді үйлестіру.

4. 2026 жылғы 12 мамырдан бастап «Мерейлі отбасы» ұлттық конкурсын жариялау бойынша «Қазақстан» РТРК-де және өңірлік телеарналарда, облыс, аудан (қала) әкімдігі аппаратының ресми сайттарында және интернет-ресурстарда, әлеуметтік желілерде («Мерейлі отбасы – 2026» арнайы айдарын ашу) ақпараттық-имидждік компания өткізу.

5. 2026 жылғы 15 мамырда «Мерейлі отбасы» ұлттық конкурсына қатысуға өтінімдерді қабылдау туралы өңірлік телеарналарда, облыс, аудан (қала) әкімдігі аппаратының ресми сайттарында және интернет-ресурстарда, әлеуметтік желілерде хабарландыру.

6. 2026 жылғы 15 мамырдан бастап 2026 жылғы 15 маусымға дейін Қағидалардың қосымшасына сәйкес нысан бойынша конкурса қатысуға өтінімдерді аудандық (қалалық) комиссияға қағаз немесе электрондық нұсқада қабылдауды жүргізу. Қабылдаудың соңғы күні – 2026 жылғы 12 маусым.

7. 2026 жылғы 1 шілдеге дейін (қатысу үшін құжаттарды қабылдау аяқталған сәттен бастап он бес жұмыс күнінен аспайтын мерзімде) аудандық (қалалық) комиссия алынған ақпаратты жан-жақты тексеруді жүзеге асырып іріктеу жүргізеді және екі отбасын айқындайды.

8. Екі жұмыс күні ішінде өз шешімдерін конкурстық құжаттармен бірге об-

лыстық (республикалық маңызы бар қалалар, Астана) комиссияларға жолдайды.

9. «Қазақстан» РТРК» АҚ-та және өңірлік телеарналарда, облыс, аудан (қала) әкімдігі аппаратының ресми сайттарында және интернет-ресурстарда, әлеуметтік желілерде, «Айқын», «kazinform.kz»-те жеңімпаз отбасылар туралы бағдарламалар циклін дайындау, ақпараттық ілгерілету.

### Екінші кезең – облыстық (республикалық маңызы бар қала, астана):

1. 2026 жылғы 8 мамырға дейінгі мерзімде мүдделі мемлекеттік органдар, заңды тұлғалар, қоғам қайраткерлері мен өткен жылдардағы облыстық (республикалық маңызы бар қаланың, астананың) турлар конкурсының лауреаттары қатарынан облыстық (республикалық маңызы бар қаланың, астананың) конкурс жеңімпаздарын айқындау жөніндегі комиссия (бұдан әрі – Комиссия) құрамын құру және бекіту.

2. Комиссияның ережесін, іріктеу елшемшарттарын және конкурсты өткізу форматын бекіту.

3. 2026 жылғы 8 мамырдан кешіктірмей «Мерейлі отбасы» ұлттық конкурсын дайындау және өткізу жөніндегі облыстық (республикалық маңызы бар қаланың, астананың) комиссиялардың отырысын ұйымдастыру.

4. 2026 жылғы 8 мамырға дейінгі мерзімде «Мерейлі отбасы» ұлттық конкурсын ұйымдастыру мен өткізуді ақпараттық сүйемелдеудің Медиа-жоспарын әзірлеу және бекіту, сондай-ақ Конкурстың барлық кезеңдерін дайындау мен өткізуді үйлестіру.

5. 2026 жылғы 17 шілдеге дейін Комиссиялар аудандық (қалалық) комиссиялардан құжаттарды алған сәттен бастап он бес жұмыс күнінен аспайтын мерзімде (қажет болған жағдайда) ұсынылған құжаттарды қосымша тексеруді жүзеге асырады, іріктеу жүргізеді және жеңімпаз бір отбасын айқындайды.

6. Комиссияның отырысын интернет-ресурста және жергілікті атқарушы органдардың әлеуметтік желілеріндегі ресми аккаунттарда онлайн-трансляциялар режимінде өткізу.

7. Отырыстан кейін екі жұмыс күні ішінде комиссия өз шешімдерін конкурстық құжаттармен бірге ұйымдастыру комитетіне жолдайды.

8. «Қазақстан» РТРК» АҚ-та және өңірлік телеарналарда, облыс, аудан (қала) әкімдігі аппаратының ресми сайттарында және интернет-ресурстарда, әлеуметтік желілерде, «Айқын», «kazinform.kz», облыстық газеттерде жеңімпаз отбасылар туралы бағдарламалар циклін дайындау, ақпараттық ілгерілету.

## Құрметті Май ауданының тұрғындары!

2026 жылғы 15 мамырдан бастап жыл сайынғы «Мерейлі отбасы» ұлттық конкурсына өтінім қабылдау басталады.

Конкурстың мақсаты – отбасы институтын нығайту, адамгершілік және мәдени құндылықтарды дәріптеу, ата-ананың еңбегінің мәртебесін арттыру және үлгілі отбасылық өмірдің оң бейнесін қалыптастыру.

Конкурсқа келесі салаларда жетістіктері бар отбасылар қатыса алады:

- Еңбек және кәсіби қызмет
- Спорт, ғылым, мәдениет және өнер
- Шығармашылық және зияткерлік сала
- Қоғамдық маңызы бар және волонтерлік қызмет

Конкурс екі кезеңде өткізіледі:

- Аудандық/қалалық кезең – 15 маусымнан 30 маусымға дейін
- Облыстық кезең – 30 маусымнан 15 шілдеге дейін

Қосымша ақпарат алу үшін аудандық ішкі саясат және тілдерді дамыту бөліміне келесі телефондар арқылы хабарласуға болады: 8 (71838) 91557. Сондай-ақ жоба үйлестірушісі Бекболат Қайдаровқа: 8 705 613 2109 телефоны арқылы хабарласуға болады.



## Уважаемые жители Майского района!

15 мая 2026 года объявляется старт ежегодного Национального

конкурса «Мерейлі отбасы» и прием заявок на участие в конкурсе. Цель

проведения конкурса: укрепление института семьи, продвижение нравственных и культурных ценностей, повышение статуса родительского труда и формирование позитивного образа супружества.

Участвовать могут семьи, имеющие достижения в различных сферах:

- Труд и профессиональная деятельность
- Спорт, наука, культура и искусство
- Творческая и интеллектуальная сфера
- Общественно значимая и волонтерская сфера

Конкурс пройдет в два этапа:

- Районный/ городской – с 15 июня по 30 июня
- Областной – с 30 июня по 15 июля

По возникшим вопросам обращаться в отделы внутренней политики и развития языков по телефонам: 8(71838)91557, или к координатору проекта – Кайдарову Бекболату по телефону 8 705 613 2109.

## КОНЦЕПЦИЯ

### Национального конкурса «Мерейлі отбасы»

#### Введение

Национальный конкурс «Мерейлі отбасы» (далее – Конкурс) направлен на возрождение нравственных ценностей и культивирование позитивного образа семьи и брака (супружества), повышение статуса семьи.

Конкурс объявляется не позднее 15 мая.

Информационное сообщение о проведении конкурса публикуется в СМИ, а также на официальных аккаунтах в социальных сетях, МКИ, МИО и другие.

Конкурс проводится согласно Правил проведения Национального конкурса «Мерейлі отбасы» (далее – Правила), утвержденных постановлением Правительства Республики Казахстан от 5 марта 2014 года № 181 с изменениям от 6 мая 2021 года № 306 и от 16 ноября 2022 года № 904.

#### Цели проведения конкурса:

1) Укрепление института семьи, нравственности, духовности, признание важности ответственного супружества;

2) Повышение ответственности родителей в воспитании детей;

3) Демонстрация и широкая пропаганда семейных ценностей, заботы совершеннолетних детей о нетрудоспособных и пожилых родителях;

4) Пропаганда положительного имиджа казахстанской семьи.

#### Порядок проведения конкурса:

1. В срок до 8 мая 2026 года утверждение состава организационного комитета по координации работы по подготовке и проведению Национального конкурса «Мерейлі отбасы» (далее – оргкомитет).

2. В срок до 8 мая 2026 года утверждение Медиа-плана информационного сопровождения организации и проведения, а также координации подготовки и проведения всех этапов конкурса Национального конкурса «Мерейлі отбасы».

3. В срок до 15 мая 2026 года проведение первого заседания оргкомитета.

4. 15 мая 2026 года в Международный день семьи (International Day of Families) повсеместно на республиканском и региональном уровнях объявляется старт проведения Национального конкурса «Мерейлі отбасы» с хэштегом #Otbasym2026 на республиканских телеканалах «Хабар», «Хабар24», «Казахстан», Информационно-музыкальная программа «Таншолпан», официальный сайт МКИ, социальных сетях.

5. Проведение конкурса в два этапа. Первый этап – районный (городской), второй – областной (города республиканского значения, столицы).

6. МКИ подготавливает цикл программ (видеоролики) о семьях-победителях, с освещением на телеканалах Хабар, Хабар24, Казахстан, Информационно-музы-

кальная программа «Таншолпан», официальный сайт МКИ, социальных сетях.

7. До 8 сентября 2026 года в канун Дня семьи проведение церемонии награждения лауреатов конкурса (с вручением диплома и отличительного знака (статуетка)).

#### Основные этапы конкурса

Первый этап – районный (городской):

1. В срок до 8 мая 2026 года создание и утверждение Комиссии по определению победителей конкурса (далее – Комиссия) из числа заинтересованных государственных органов, юридических лиц, общественных деятелей и лауреатов конкурса предыдущих лет районных (городских) туров.

2. Положение о комиссии утверждается распоряжением акима соответствующей административно-территориальной единицы.

3. В срок до 8 мая 2026 года разработка и утверждение Медиа-плана информационного сопровождения организации и проведения Национального конкурса «Мерейлі отбасы».

4. С 12 мая 2026 года проведение информационно имиджевой компании по освещению Национального конкурса «Ме-



рейлі отбасы» на «РТРК «Казахстан» и региональных телеканалах, официальных сайтах аппарата акимата области, района (города), и интернет ресурсах, социальных сетях, (открытие специальной рубрики «Мерейлі отбасы – 2026»).

5. 15 мая 2026 года объявление о приеме заявок на участие в Национальном конкурсе «Мерейлі отбасы» на региональных телеканалах, официальных сайтах аппарата акимата области, района (города), и интернет ресурсах, социальных сетях.

6. С 15 мая 2026 года до 15 июня 2026 года проведение приема заявок на участие в конкурсе по форме согласно приложению Правил в бумажном или электронном вариантах в районную (городскую) комиссию. Последний день приема 12 июня 2026 года.

7. До 1 июля 2026 года (в срок не более пятнадцати рабочих дней с момента завершения приема документов для участия) районная (городская) комиссия осуществляет всестороннюю проверку по-

лученной информации и проводит отбор и определяет две семьи.

8. В течение двух рабочих дней направляет свои решения с конкурсными документами в областные (городов республиканского значения, столицы) комиссии.

9. Информационное освещение, подготовка цикла программ о семьях-победителях на «РТРК «Казахстан» и региональных телеканалах, официальных сайтах аппарата акимата области, района (города), и интернет ресурсах, социальных сетях, «Айқын», «kazinform.kz».

#### Второй этап – областной (города республиканского значения, столицы):

1. В срок до 8 мая 2026 года создание и утверждение состава Комиссии по определению победителей конкурса областной (города республиканского значения, столицы) (далее – Комиссия) из числа заинтересованных государственных органов, юридических лиц, общественных деятелей и лауреатов конкурса предыдущих лет областной (города республиканского значения, столицы) туров.

2. Положение о комиссии утверждается распоряжением акима соответствующей административно-территориальной единицы.

3. Не позднее 8 мая 2026 года организация заседания областной (города республиканского значения, столицы) комиссий по подготовке и проведению Национального конкурса «Мерейлі отбасы».

4. В срок до 8 мая 2026 года разработка и утверждение Медиа-плана информационного сопровождения организации и проведения, а также координации подготовки и проведения всех этапов конкурса Национального конкурса «Мерейлі отбасы».

5. До 17 июля 2026 года Комиссии в срок не более пятнадцати рабочих дней с момента получения документов из районных (городских) комиссий (при необходимости) осуществляют дополнительную проверку представленных документов, проводят отбор и определяют одну семью – победителя.

6. Проведение заседания комиссии в режиме онлайн-трансляций на интернет-ресурсе и на официальных аккаунтах в социальных сетях местных исполнительных органов.

7. В течение двух рабочих дней после заседания комиссия направляет свои решения с конкурсными документами в оргкомитет.

8. Информационное освещение, подготовка цикла программ о семьях-победителях на «РТРК «Казахстан» и региональных телеканалах, официальных сайтах аппарата акимата области, района (города), и интернет ресурсах, социальных сетях, «Айқын», «kazinform.kz», областные газеты.

Меншік иесі:  
«Май ауданының ақпараттық орталығы» ЖШС  
«SHAMSHYRAQ» газетінің редакциясы

Директор (редактор)  
ЕСЕНТАЕВА Б.С.

Автордың пікірі редакция көзқарасына сәйкес келе бермеуі мүмкін. Мақалаларда көрсетілген ақпараттар мен деректерге автор жауап береді. Жарнама материалдарының мазмұнына жарнама берушілер жауап береді. Хаттар, қолжазбалар рецензияланбайды және қайтарылмайды.

## ШАМШЫРАҚ

Мекен жайымыз: 140800  
Павлодар облысы, Көктөбе ауылы,  
Мәншүк Мәметова көшесі, 38/3.  
эл. пошта: shammai@mail.ru  
Байланыс тел.: 8 776 522 9163

Газет ҚР Ақпарат және қоғамдық даму министрлігінде тіркеліп, 2019 жылдың 10 желтоқсанында №KZ61VPY00018137 куәлігі берілген

Газет әр аптаның сенбі күні шығады. Таралымы - 500 дана. Редакция компьютерінде теріліп, беттелді. «Баспасөз үйі» ЖШС баспаханасында басылады. Павлодар қаласы, Астана к., 143 үй. Тапсырыс № 819